

長樂縣志卷十八

祠祀 秩祀 里祀

古者境內山川凡長是境者得主其祭推而報功崇德祀典所以特詳也然非恪恭將事何以表敬神如在之思故典章儀注無不備載於書俾有率循而不至隕越若夫鄉社里祠梵宮道觀英靈所寄感應斯神能為一方禦災禳即為一方所信仰悉聽歲時祈報申其悃忱其先賢名臣各祠廟亦詳載於末以抒愛慕之懷志祠祀

秩祀

社稷壇 在縣治西按察分司後宋時建元至正二十七年重建明

長樂縣志

卷十八

祠祀

一

秩祀

洪武六年縣丞李觀遠脩正統中知縣龍韜脩成化中知縣羅叙

修弘治十五年知縣王渙修清乾隆十二年知縣張學舉重修按梅

花澳亦有社稷壇在尖峯山後不知建自何時

會典每歲春秋仲月上戊日為民祈報皆正官將事教官糾儀生

員充禮生掾吏執事 社稷位前各帛一黑 鉶一簋二簋二籩四

豆四爵三尊一羊一豕一

祭日鷄初鳴承祭官以下咸朝服齊集黎明贊引禮生二人引承

祭官詣盥洗所盥洗通贊禮生贊執事者各司其事以下自迎神至望瘞皆唱

贊贊引禮生贊就位引承祭官至階前拜位立引班禮生二人分

引陪祭官文東武西班與朝賀同 各就拜位序立乃迎神贊引贊升壇

引承祭官升壇詣香案前司香跪奉香贊引贊上香承祭官三上香贊復位引承祭官降復位贊跪叩興承祭官行三跪九叩禮陪祭各官皆隨行禮奠帛初獻爵司帛奉篚進跪奠篚司爵奉爵進獻爵奠正中皆退司祝禮生至祝案前跪承祭官暨陪祭各官皆跪司祝讀祝畢詣神位前跪安於案叩如初退承祭官暨陪祭官行三叩禮亞獻爵奠於左終獻爵奠於右儀均如初獻乃徹饌送神承祭官行三跪九叩禮陪祭官皆隨行禮司祝奉祝司帛奉帛恭送瘞所承祭官轉立拜位西旁東面俟祝帛過復位引至望瘞位望瘞贊告禮成引退衆皆退

祭文 唯神奠安九土粒食萬邦分五色以表封圻育三農而蕃

稼穡忝承守土肅展明禋時屆仲春秋敬修祀典庶丸丸松柏鞏磐石於無疆翼翼黍苗佐神倉於不匱尙饗

風雲雷雨山川城隍壇 在縣治西南一里三峰塔下元時建歷代

遞修乾隆十二年知縣張學舉重修舊志又有風雲雷雨壇在十都

會典每歲春秋仲月諏日致祭設案一於壇正中南向中設風雲雷雨之位左設本境山川之位右設本境城隍之位陳鉶二簋二簋二籩四豆四案前設俎一羊一豕一又前設案一供祝版陳香盤一爐一鐙二西設案一陳帛七尊一爵二十有一陳福酒福胙於尊俎之次餘儀與祭社稷同

祭文 唯神贊襄天澤福佑蒼黎佐靈化以流形生成永賴乘氣

機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣尙饗

先農壇 在縣治東關外

後座五柱四櫺三間前座三柱四扇  
三間外有更衣亭半月池晒穀埕 雍正

五年建乾隆十三年知縣張學舉請帑重修

六年捐置籍田六號  
坐落東關外共四畝

九分四釐一毫五絲三忽年載早晚租一十五石正內  
早穀五石報憲五石完納糧倉晚穀五石買備品物

會典歲以仲春吉亥行耕耤禮各於治所東郊建先農壇前期二日各致齋於公所掃除壇壝內外祭日雞初鳴設神案於壇正中南向陳鋤一簋籩各二籩豆各四案前設俎陳羊一豕一又前設香案一陳祝文香盤爐鐙左設一案東向陳帛一尊一爵三陳福

酒福胙於尊爵之次設盥洗於階下之東餘儀與祭社稷壇同

禮成更采服率屬行耕耤禮正官秉耒耆老一人牽牛農夫二人

扶犁雜職官奉青箱播種每歲收穫以供祭祀之粢盛

祭畢更換蟒服行耕耤禮

農具赤色牛黑色種箱青色知縣扶犁  
典史播種耆老一人牽牛九推九返農

夫終畝 耕畢率僚屬耆老農夫望闕行三跪九叩禮

祭文 唯神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恒沐於神庥庶幾九穗雙歧上瑞頻書於大有尙饗

壇制 高二尺一寸  
廣二丈五尺

牌壇 高二尺四寸  
廣六寸

座 高五寸  
廣九寸五分

祠制 府州縣建屋一間正房供 先農神位又於壇右建屋一間爲藉倉

儀注

祭日各官衣朝衣禮生引承祭官至拜位通贊唱執事者各司其事陪祭官各就位承祭官就位通贊唱瘞毛血禮生引詣盥洗所贊盥洗淨巾引詣香案前贊迎神行二跪六叩頭禮興行初獻禮引詣

神位前跪奠帛獻爵叩頭興詣讀祝位跪衆官皆跪宣祝文畢叩頭興引唱復位通贊唱行亞獻禮引詣

神位前跪獻爵叩頭興復位通贊唱行三獻禮如亞獻儀通贊唱

飲福受胙引唱詣飲福受胙位跪飲福受胙叩頭興謝胙一跪三叩頭興復位通贊唱徹饌送

神行二跪六叩頭禮興通贊唱司祝者捧祝司帛者捧帛各詣燎所引唱詣望燎位焚畢揖復位通贊唱禮畢各官更蟒衣詣藉田行耕藉禮

耕藉儀

一官捧青箱一官播種各官俱用右手扶犁左手執鞭各行九推禮農夫終畝耕畢各回官廳更朝衣望闕恭行三跪九叩頭禮仍將遵行耕藉日期具報知縣官秉耒城守營千總執青箱督捕廳播種知縣公出卽委屬官秉耒選擇耆老執青箱播種

耕藉器物

農具一色赤 牛一色黑 籽種箱一色青

雩祀 通禮歲子孟夏後諏吉雩祭陳設儀注同前

祈祀 祈雨在 城隍廟注水盈缸內插柳枝設香案香蠟拜用蓆  
僧道各一班開壇誦經禮生二每早晚各官衣素服拈香步行至  
廟禮生引至拜位通贊唱行二跪六叩首禮宣疏文畢再行二跪  
六叩首禮焚疏文再揖禮畢雨降報祀祈晴則在廟中設香案香  
蠟拜用紅氈僧道各一班開壇誦經儀同祈雨

報祀 通禮既應而報陳設祭品公服行報祀禮儀同祈祀

祭芒神 每歲有司豫期塑造春牛並芒神立春前一日各官吉服

長樂縣志

卷十八

祠祀

五

秩祀

迎於東郊祭勾芒神至本日衣朝衣祭神訖各執綵仗正官擊鼓  
三聲環鞭土牛者三

祭軍牙六纛 每歲霜降日武營盛裝鎧仗迎請旗纛到教場張幕  
結綵以帛一白 羊一豕一行三獻禮禮畢放炮揚威撤幕束裝整  
伍回營歸纛於廟

邑厲壇 舊在縣治北坑尾山明初知縣邱宗亮遷西北斑鳩嶺宏  
治六年知縣潘府改遷天王寺側崇禎十二年燬知縣夏允彝重  
建 鄉厲壇諸都圖各一所規制同惟十都五所

會典每歲清明節七月望十月朔日祭厲壇於城北郊前期守土  
官具香燭公服詣城隍廟以祭厲告本境城隍之神上香跪三叩

興退至日所司陳羊三豕三米飯三石尊酒楮帛於祭所設燎鑪於壇南黎明禮生二人引守土官公服詣神位前贊跪守土官跪贊上香守土官三上香贊叩興守土官三叩興退執事者焚楮帛守土官詣燎鑪前祭酒三爵退禮生仍奉城隍神位還廟各退

謹案

壇祭邑之無祀者蓋倣古者泰厲公之祭也洪武三年頒制在邑者其制廣丈五尺高二尺階三級餘無堦繚以垣

祭厲壇文 普天之下后土之上無不有人無不有鬼神人鬼之道幽明雖殊其理則一故制有治人之法卽制有事鬼之道念厥冥冥之中無祀鬼神昔爲生民未知何故而歿其間有遭兵刃而損傷者有死於水火盜賊者有被人取財而遇害者有被人強奪妻妾而死者有遭刑禍而負屈死者有天災流行而疫死者有爲

猛虎毒蟲所害者有爲饑餓凍死者有因戰鬪而殞身者有因危急而自縊者有因牆屋傾頽而壓死者有死後無子孫者此等孤魂死無所依最堪憐憫或依草附木或作妖爲怪徘徊於星月之下悲號於風雨之中今迎尊神以主此祭謹設壇於北郊茲當

上月中元佳節謹備牲醴羹飯專祭本邑闔境無祀鬼神等衆靈

下

其不爽來享此祭凡或一縣人民倘有不孝不睦侮法欺善種種奸邪不良之徒神必報於城隍發露其事使遭官府輕則笞決杖斷重則徒流絞斬若事未發必遭陰譴使舉家必遭災害如有克孝克睦守法爲善正直之人神必達於城隍陰加護佑使其家道安和農事順遂父母妻子保守鄉里我等官如有上欺朝廷

下枉良善貪財作弊蠹政害民者 靈必無私一體昭報如此則鬼神有鑒察之明官府非諂諛之祭尙饗

關帝廟 在縣治西南

其先卽射圃

康熙四十一年知縣張植等修建雍

正五年改觀德堂爲 崇聖祠乾隆二十四年知縣賀世駿改創

三間同治七年里人鄭鵬程陳良驥陳臻等勸捐重修正殿更設

宮門兩楹制倣 文廟

互詳射圃中

謹按明洪武都金陵城中建十

四廟一曰漢前將軍壽亭侯廟自是香火遍天下嘉靖十年太常卿黃芳奏改稱漢前將軍漢壽亭侯天啓四年祭始稱帝清順治九年封忠義神武關聖大帝雍正五年封神曾祖光昭公祖裕昌公父成忠公增設神牌於後殿乾隆間加封靈佑嘉慶十九年加

封仁勇道光八年加封威顯咸豐四年加封護國保民咸豐七年八月奉旨 關聖大帝神牌改寫 關聖帝君每歲春秋仲月諏吉及五月十三日均致祭前殿以地方正印官主祭後殿以丞史將事執事以禮生祭日陳設牲牢器數及迎神上香奠獻讀祝送神視燎儀注均與京師同

儀注

祭日贊引官引承祭官進左旁門至盥洗所贊盥洗盥洗畢引至殿內行禮處立典儀唱執事者各司其事贊引官贊就位引承祭官就位立典儀唱迎神樂奏格平之章樂作司香官捧香盒就香爐左邊立贊引官引承祭官就香爐前立司香官跪贊引官贊上

香承祭官立將炷香接舉插爐內又上塊香三次畢贊引官贊復位承祭官復位立贊引官贊跪叩興承祭官行三跪九叩頭禮樂止典儀唱奠帛爵行初獻禮樂奏翊平之章捧帛爵官將帛爵捧進

神位前奠帛官跪獻畢行三叩頭禮退執爵官立獻畢退讀祝官詣安祝文棹前行一跪三叩頭禮捧起祝文立樂止贊引官贊跪承祭官讀祝官俱跪贊讀祝讀畢捧至

神位前跪安盛帛盒內畢行三叩頭禮退樂作贊引官贊叩興承祭官行三叩頭禮立典儀唱行亞獻禮樂奏板平之章樂作執爵官照初獻禮獻畢退樂止典儀唱行三獻禮樂奏靖平之章樂作執

爵官自案右邊照亞獻禮獻畢退樂止典儀唱徹饌樂奏彝平之章樂作徹畢樂止唱送神樂奏康平之章樂作贊引官贊跪叩興承祭官行三跪九叩頭禮立樂止典儀唱捧祝帛饌各詣燎位捧祝帛香饌官各至

神位前俱跪捧祝帛官行三叩頭禮捧香饌官不叩頭將祝帛香饌依序捧送承祭官退至西旁立候捧祝帛各官過畢復位立贊引官贊詣望燎位樂奏與送神同樂作承祭官至燎爐前焚訖樂止揖贊引官贊禮畢退

同日祭後殿行二跪六叩禮

春秋前殿祭品牛一 羊一 豕一 登一 鉶二 簋簋各二

籩豆各十 鑪一 鐙二 帛一白 香盤一 尊一 爵三

牲陳於俎帛實於筐尊實酒冪勺具

五月十三日祭品陳牛一 羊一 豕一 果實五盤用核桃荔枝龍眼棗

栗不設籩豆後殿不用牛餘照前殿

春秋祭後殿祭品設三案每案羊一 豕一 鉶二 簠簋各二

籩豆各八 鑪一 鐙二 帛三白 香盤三 爵三 尊三

俎筐冪勺具

春秋祝文

維

神星日英靈乾坤正氣允文允武紹聖學於千秋至大至剛顯神威

長樂縣志

卷十八

祠祀

九

秩祀

於六合仰聲靈之赫濯崇典禮於馨香茲當仲春秋用昭時饗惟祈

昭格克鑒精虔

聖誕祝文

維

神九宇承庥兩儀合撰崧生嶽降溯誕 聖之昌期日午天中屆恢

台之令序聰明正直壹者也千秋徵肸鬻之隆盛德大業至矣哉

六幕肅馨香之薦爰循懋典式展明禋苾芬時陳精誠 鑒格尙

饗

春秋祭後殿祝文

唯公世澤貽庥靈源積慶德能昌後篤生神武之英善則歸親宜

享尊崇之報列上公之封爵錫命復隆合三世以肇禋典章明備  
恭逢諏吉祇事薦馨尙饗  
五月十三日祭後殿祝文  
禮隆報祀誼重推恩當崧生嶽降之期溯木本水源之始輝煌棟  
宇憑依已妥於上公修潔豆籩將饗告虔於仲夏惟 神昭鑒尙  
其格歆

樂章

迎神格平

懿爍兮焜煌 神威靈兮赫八方偉烈昭兮累禩祀事明兮永光  
達精誠兮黍稷馨香儼如在兮洋洋

長樂縣志

卷十八

祠祀

十

秩祀

奠帛初獻翊平

英風颯兮 神格思紛羽蓋兮龍旗軋桂醕兮盈卮香始升兮明  
粲惟降鑒兮在茲流景祚兮翊昌時

亞獻板平

觴再酌兮告虔舞干戚兮合宮懸歆苾芬兮潔蠲扇巍顯翼兮  
神功宣

終獻靖平

鬱鬯兮三申羅籩簋兮畢陳儀卒度兮肅明禋 神降福兮宜民  
宜人

徹饌彝平

物惟備兮咸有明德惟馨兮 神其受告徹兮禮終罔咎佑我家  
邦兮孔厚

送神康平

幢葆葳蕤兮 神聿歸馭鳳軫兮驂虬駢降烟熅兮餘飭馡願回  
靈盼兮德洽明威

望燎康平

焄蒿烈兮燎有輝 神光遙燭兮祥雲霏祭受福兮茂典無違庶  
揚駿烈兮永奠疆畿

民國四年遵照政事堂禮制館擬訂關岳合祀典禮樂譜改爲

關岳廟

長樂縣志

卷十八

祠祀

十一

秩祀

典禮

關岳廟皆以歲春秋分節氣後第一戊日由駐在該地方各文武推

官職較高者一人親詣致祭

官職相等者皆爲陪祭如將軍官職主祭則巡按使爲陪祭之類

官職

較次者二人東西序分獻糾儀以軍官警官各一人執事人各以  
其屬及地方官紳學校教員學生之嫻禮儀者選充在該地方各  
軍官警官及兼有軍警職各文官一體與祭其餘同城文官均不  
另祭祭之日陳設祭品行禮儀節均與京師遣祭禮同

祝辭

惟某年某月日某地方某官某敬祭於

關壯穆侯

岳忠武王曰惟

神武功彪炳偉烈昭垂建大節於千秋振英風於六合忠誠正直  
麗河嶽而長留智仁勇功與日星而並耀潔馨香而合祀德量同  
符肅俎豆以明禋心源如接惟祈  
歆享克鑒精誠尙

饗

樂章

懿鑠兮神功震華夏兮英風義勇兮河東惟湯陰兮與同脩祀典  
兮方州佇降歆兮闕宮奠帛初獻樂奏安和之章辭曰神來兮格  
思風馬下兮靈旂量幣兮初陳薦芳馨兮玉卮瞻仰兮明威儼如

長樂縣志

卷十八

祠祀

十二

秩祀

在兮軒墀舞干戚之舞亞獻樂奏靖和之章辭曰萬舞兮洋洋禮  
再舉兮陳觴靈昭昭兮既留庶鑒誠兮降康舞同初獻終獻樂奏  
康和之章辭曰名世兮鍾靈炳河嶽兮日星祀事兮三成肅駿奔  
兮廟廷舞同亞獻徹饌樂奏蹈和之章辭曰告徹兮禮成神其受  
兮苾芬明德兮維馨播聲威兮八紘送

神樂奏揚和之章辭曰雲駕兮高翔神將歸兮九閭受福烝民道我  
兮惟揚

東西廡歷代名將

東廡配享

張

飛

王

濬

韓

擒

虎

李靖 蘇定方 郭子儀  
曹彬 韓世忠 旭烈兀  
徐達 馮勝 戚繼光  
西廡配享

趙雲 謝玄 賀若弼

尉遲敬德 李光弼 王彥章

狄青 劉錡 郭侃

常遇春 藍玉 周遇吉

文昌祠 在縣治南門內嘉慶二十一年知縣楊清輪建咸豐九年前

後兩進前祀文昌咸豐七年奉旨文昌帝君神牌後祀三代嘉慶六年

太常寺奏准文昌帝君三代姓名查無確據未便請加封號擬增置神牌一分牌面書文昌帝君先代神位字樣

文昌之祀其說有二一以為天神天官書斗魁載匡六星一上將二次將三貴相四司命五司中六司祿是為文昌宮文昌之稱始於此一以為人鬼在周為張仲在漢為張良在晉為涼王呂光在五代為蜀王孟昶在姚秦之世又為越嶲人張惡子立廟梓潼山唐皇西狩追封左丞僖宗入蜀封順濟王宋咸平中改封英顯元延祐初加封輔元開化文昌司祿帝君帝君之稱始此清嘉慶六年五月奉上諭文昌帝君主持文運福國佑民崇正教闢邪說靈蹟最著海內崇奉與關聖大帝同宜列入祀典用光文治着交禮部太常寺將每歲春秋致祭之典及一切儀文仿照關帝廟

定制詳查妥議具奏遵旨奏准一切儀注祭品均與關帝同咸  
豐六年十一月奉上諭升入中祀謹按通禮歲以二月三日暨仲  
秋諏吉致祭咸豐六年升中祀  
後奉文每歲仲春另諏日致祭仍祭二  
月初三誕日祭品儀注均與關帝同

樂章

迎神丕平

秉氣兮靈躔翊文運兮赫中天蜺旌兮戾止雕俎兮告虔迓神  
庥兮於萬斯年

奠帛初獻俶平

神之來兮籩簋式陳神之格兮几筵式親極昭彰兮靈貺致蠲  
潔兮明禋升香兮伊始居歆兮佑我人民

亞獻煥平

長樂縣志

卷十八

祠祀

十四

秩祀

再酌兮瑤觴燦爛兮庭燎之光申虔禱兮神座儼陟降兮帝  
旁粢醴潔兮齊遯公將綏景運兮靈長

終獻煜平

禮成三獻兮樂奏三終覃敷元化兮絜神功馨香達兮肸鬯通  
歆明德兮昭察寅衷

徹饌懿平

備物兮惟時告徹兮終禮儀神悅懌兮鑒在茲垂鴻佑兮累洽  
重熙

送神蔚平

雲駟駕兮風旗招神之歸兮天路遙瞻翠葆兮企丹青願迴靈

眷兮福我朝

望燎蔚平

烟燭降兮元氣和 神光燭兮梓潼之阿化成耆定兮橐弓戢戈  
文治光兮受福則那

祭文

惟 神績著西垣樞環北極六匡麗曜協昌運之光華累代垂靈  
爲人文之主宰扶正久彰夫感召薦馨宜致其尊崇茲逢聖誕用  
昭時祀神其格歆鑒此精虔尙饗

祭先代文

祭引先河之義祀崇反本之思矧夫世德彌光延賞斯及祥鍾累

代炯列宿之精靈化被千秋緯人文之主宰是尊後殿用答前庥

茲屆仲春秋敬薦微忱靈其格歆鑒此虔誠尙饗

附載城鄉 文昌祠 一在東門外嶺口梅峰寺旁邑祠 文昌

始此明蔣行義有碑記 一在鼇頭現圮 一在閘兜咸豐五年建

一在二都龍門乾隆三十年建 一在緜上 一在首占仙跡觀中後

進別建一樓顏曰奎光閣 一在陳坑溪邊顏曰文光祠清光緒間里人鄭煥章等建

立內祀文昌武聖附 一在三都岱邊松溪寺 一在四都名翌

文閣康熙二十年建 一在六都詳見雲谷寺 一在八都石門獬豸山麓

道光五年建里人陳心炳記別見祠旁有洞名醒泉巖水聲冷冷  
道夏不涸洞口有池心炳鑄鳳池浴月四字題詠甚多祠後層巖  
疊石高頂處鑄聚星巖三字韜園所書又有文明氣象四字爲洗  
馬陳玉銘書有洞可通至半山暑月涼蔭可以消暑又有浣筆泉

滌硯池其水從巖穴湧出皆天成之勝景也一在九都靈隱寺一在灣裡一在

十都湖尾道光六年李名健等公建一在十一都嶼頭一在

十二都田墘咸豐元年李國禎等重修一在董厝濠井書室同治三年董姓建一在

菖蒲埕五顯廟西建一在十三都玉溪旁乾隆十八年重建

一在十四都旒峰陳姓建一在旒峰頂陳姓建一在雲路乾隆八年生員陳觀光等

建一在龍角峰旁乾隆二十年建一在十六都詳見華文寺一在十

七都詳見萬壽寺一在二十一都三星橋一在方安里潭頭一

在文庄一在大宏里明崇禎間里人施鏡光建一在大宏里嶺南雍正八年建乾

隆十九年同治二年一在文石上元塔邊乾隆十年建一

在二十四都鼇峰之麓一在高岐村前在蓮花峰萬壽寺光緒二十六年移建李氏祠邊

長樂縣志

卷十八

祠祀

十六

秩祀

五賢祠 在縣東城外半里許舊名朱文公鵬明正德七年知縣楊

樑以公常與黃勉齋劉存庵劉在軒陳自修四人講學請於巡按

御史李如奎改城隍廟於縣治北將廟地為祠祀公而配以四先

生東有亭曰源頭活水西有亭曰天光雲影門扁曰溪山第一皆

摹刻公墨蹟

(邑人鄭錫文記)國朝祀典之正載諸令甲加察於憲綱鄉賢一祠則又附於文廟蓋所以旌淑德美教

化以昭示乎邑人然非識治體者鮮有得其正也正德壬申慶遠楊侯令長樂之三年事理民輯乃按圖考志曰夫禮有其舉之固莫敢廢重複而瀆其可不正乎城隍一也近邑半里許先既有祠矣重建於龍津坊者不當革乎夫晦庵朱子宋大儒也毓秀於閩閩中稱為海濱鄒魯者實昉於是淳熙間嘗偕高弟黃勉齋避居於吾邑勉齋實邑產而邑人陳自修劉存菴與其弟在軒咸從之遊則吾邑又為過化之鄉鄉賢祠得祀朱子者亦由是夫既從祀於文廟又混祀於鄉賢瀆也請於提學姚公巡按御史李公咸躋其言乃即龍津廢祠撤而新之前廟後寢敞以儀門中祀朱子四先生配焉又左瀦清泉右鑿方池取朱子源頭活水天光雲影

語為左右廂房扁以寓高山景行之思新儀聿崇而舊舉不廢匪直遵令甲稱官守而已也竊惟吾邑數百年來斯文代不乏人朱子之書家傳人誦固有其期待我邑人也遠而且大繼此當有知者今侯肇祠而專祀之其期待我邑人也遠而且大繼此當有卓然得朱子心法於言語文字之外者矣侯持已嚴明而施政公恕文事武備所可言者尚多特詳於是者正祀典崇正學也聞侯前署黃陂學政嘗捐俸百金以新廟學又新程子祠先提學沈公仲律陳公文明咸為記其事蓋侯崇正之心無日不有故其政隨地而著有不待於余之言也後有名宦繼侯之志而稽其績於余言焉庶幾乎斯祠之不替也時正德七年記（陳大濩詩）吳航城外晦翁祠虎踞龍躡景最奇千嶂烟光青掩映九溪雲影碧漣漪道從孔孟傳心法學為周程振羽儀此日登堂拜遺像泰山喬嶽快瞻嘉靖丁未知縣吳遵重脩祠扁曰高山仰止門扁曰朱文公祠依

俱邑人鄭世威書

（明教諭李應科記）

別見（鄭世威詩）南來獨抱伯牙琴清夜誰能歎賞音流水盈科看後進高山

仰止見初心千年正學宗鄒魯一脈真傳貫古今迤邐道通光霽滿從容步徹白雲深（其二）晨興展謁晦翁祠過化端為百世師誠意正心指諸掌泰山喬嶽今在茲文光耿耿天河表風韻悠悠江漢涓涓踏遍九溪人不見詠歸應喜夕陽遲 萬歷二十

長樂縣志

卷十八

祠祀

十七

秩祀

六年知縣盧龍雲重建

（明陳省記）

萬歷戊戌八月朱文公先生祠重建告成祠久傾圮始議建於南海晦虛

彭令君繼而舉事於江陰暨湖郁令君咸捐俸為倡不佞省暨士大夫具資斧助經理增舊制苟合矣乃今南海起溟盧令君來嘉與盛典圖終厥美徵原議舊負學租及草洲子粒給諸費然後煥然改觀謂宜有記示將來屬執簡於不佞省不敢辭記曰天生蒸民秉彝好德天下郡邑祠朱先生者明興夥矣匪直經術傳注廣厲學宮之路又非徒為制作美觀鋪張文具而已先生寶慶淳熙間避地於閩考亭毓秀之鄉武夷講學之所無論已其遊吾樂則黃勉齋陳自脩與劉存菴劉軒夷兄弟先後從遊皆吾樂以故祀朱先生以四賢為之配祠創於正德丙申慶遠諸令君崇德表俗加意中夫創之不易重建之尤難吾邑何幸而遭諸令君祠先生矣亦知祠先生所以惠我邑民也夫不佞與吾邑父子知大學傳矣亦知祠先生所以惠我邑民也夫不佞與吾邑父子機惟在正心誠意無時非學也庶敘典秩自禮降自上帝根諸民彝要機惟在正心誠意無時非學也庶敘典秩自禮降自上帝根諸民彝身豈惟言動視聽咸為自正孰為偏倚誠者自禮降自上帝根諸民彝嚴所係匪淺如視聽咸為自正孰為偏倚誠者自禮降自上帝根諸民彝間所係匪淺如視聽咸為自正孰為偏倚誠者自禮降自上帝根諸民彝

其門升其階躋其堂朱先生坐焉四君子侍焉今日猶昔日也  
思其若何而講習若何而切磋若何而問酬應若何而存養擴  
充慎思可也近思可也不知當時邑之翁巖遊三溪見先生之遺墨在  
焉每徘徊而不能去不知當時邑之翁巖遊三溪見先生之遺墨在  
其所感發興起當何如也思之若或見之飛躍之趣於天  
光雲影之懷師弟相依不以夷險加損豈非其誠正之學有得於  
大本要機者真足以繼往而開來教世而範俗也先生所以特祀  
分祀遍於四海之郡邑及所過無人之鄉者以此也非學善其視  
動敦其祀亦望天下無蹈於非彝淫之患此吾儕父子兄弟之言  
所宜勃然悟悚然思者在也誠思之矣此興也亦裨哉存誠  
守正動以天行雖日與父老子弟遊於此亦不為失為誠  
活水天光鳶飛躍之景忽而思則無天遊六鑿內攘雖終  
日弦歌於此講誦於此亦不過為虛飾美觀之具即使廣厲學宮  
以經術傳注獵釣譽成也先生不樂也君末學乖駁不足窺  
先生之門牆於其所祠者欲使吾邑之祠老子弟知所以創祠  
然舉先生之於祠者欲使吾邑之祠老子弟知所以創祠  
之意果有在於勃然悟悚然思者在也誠思之矣此興也亦裨哉存誠  
上之增建閣於祠者置主列於左右以係民思亦邑父老子弟閣

長樂縣志

卷十八

祠祀

十八

秩祀

之意也（詩）遠宗周孔近思程通會諸儒集大成修己治人留疏草  
正心誠意誓生平一從趙相讒人忌遂有斯文僞學名卦得遯爻  
因遠跡海濱過化列羣英（其二）當年師弟迴追隨故見荒祠敞海  
湄遺像儼從陳蔡日高堂似坐孔顏時曾捐資斧鋤茅塞無復遊  
人咏黍離廟貌重新供崇禎六年祠圯知縣鄭尙友新之為易今  
仰止羹牆千古有餘思

名並置祠田一畝七分八釐以贍守祠者

（明邑人馬思理記）吾邑俗從古涖茂士民守恒

業莊誦師說外無他奇巧以支離其本質故其資性頗為近道用  
之敦本持正視他邑亦較易自朱文公過化而後縉紳先生益以  
無少變觀摩數百年來理學名宿相踵於世近氣運稍歇俗不能  
洗髓易腸煩氣終固值賢父母稍一倡導之即故俗依然尚不至  
有祠祀文公而配以直卿輩四先生從來者久遠也麗邑東郊  
時所從游稱入室者祠顏五賢附先生四榮邑產也近有專稱朱  
子祠者於郡乘不合而祠之前楹又難險阻之邪氣為抑孰知今  
黨而欲投之崇正而俎豆爭先者固昔險阻之邪氣為抑孰知今  
淄澠互淆文公於此獨能不失其正統又得四先生揭千古之眼審  
百家之同異定所皈依卒也羽翼正統又得四先生揭千古之眼審

分文公末座而稱五賢豈待今日論定哉是祠創自正德壬申歷  
今兩甲子中間幾修久仍復就武林鄭侯怒焉捐俸申一  
重新之其工視前加毖而意厚夫侯所稱賢而倡導士民  
復還舊俗者也余嘗從武來武林人道侯孝友津津不少置兼  
之學有淵源氣節如茲役也甯陽之堂與四先生接席止其針芥投  
吾聞古之良有司三載報政以往一第以崇尚大與吏相安無  
事訊訟稀少琴韻和平而禮教以興茲祠之修適當侯報政之期  
白鹿滄洲其則不遠侯之心眸當幾迴旋焉夫流峙耕鑿今復  
樂未變於古也何獨性命閒事為然鳴琴之暇繼以講學之  
本質而還之日故俗誰曰淳熙之微言懿行人物不在今日甄陶  
多士尊朱日久而其於四先生之微言懿行人物不在今日甄陶  
者亦有蚤聞睿道力行不詣純篤獨得師傳者乎則請以質之  
先生有夙秉異姿承家學之履之源篤志敏道之力闢佛老其  
美河南者乎則請質之履之源篤志敏道之力闢佛老其  
別要一志端方用功堅苦卓然不為異惑生所動而  
底成德也今世學士骨力脆簿遇小利害便自搖魄而  
立不以此自慎其官尚不足何暇定千之統乎振鐸其  
之流未遠師範尚存但堅向不往決不落寞况有賢侯振鐸其上

長樂縣志

卷十八

祠祀

十九

秩祀

一掃聖路妖氛偕之蕩平此亦千秋一快事也侯名尚友號月菴  
浙江錢塘人辛未進士往歲重葺文廟鄉賢名宦及春秋祭器  
皆不勝書是祠修於余歸田之後故載筆而為之記（雲間夏完淳  
詩題時九歲）安昌千嶂合縣巨復嵯峨高峯隱雲際日炤澗生波  
駕言往東隅祠宇倚山阿青池映綠草峭閣響鳴珂肅肅瞻遺像  
徘徊起嘯歌巍茲五君子講學潛幽坡依師被讒逐亮節不改初  
苾芬永懷報濟士民和清康熙五十一年重修（邑人鄭純禮記  
山川自今古大道長不磨其意深遠有所自來乎文公集宋  
尚矣亦知吾邑賢祠之建其義以下之孔子也豈顧問哉乃當  
儒大成繼往聖開學其為三代以下之孔子也豈顧問哉乃當  
時執政錮以偽學公知幾遠潛其身入閩流寓至吾邑所過名山  
川皆手勒墨蹟且藏書石室以待其人時則有若黃陳二劉四先  
生得從之遊至今文公巖一見深服早知為繼往來實三代以  
而斥之禁之文公而一見深服早知為繼往來實三代以  
下之孔子而一見深服早知為繼往來實三代以  
賢配特崇薦馨居歆俎豆亦見流豪傑有志識宗正學便為聖  
人之徒相依千祀荒涼已久而舊歲始議修葺樹垣墉易梓材之  
宇在縣治東郊荒涼已久而舊歲始議修葺樹垣墉易梓材之  
者飭磚瓦之月而工竣適逢國朝特詔尊朱躋班十哲始知此心  
躍爭趨五閱月而工竣適逢國朝特詔尊朱躋班十哲始知此心

此理四海同揆吾邑獨不令而從有得風氣之先爲足尙也至於  
正學真傳文公爲天下之瞻仰者雖非吾一隅所得而私第廻想  
當時避禁之日與吾邑四先生遊至今五百年來風流如昨卽嗣  
謂公之神靈長依依於此地之名山勝水間也夫誰曰不可  
復圯祠田地租俱歸學徵乾隆二十七年知縣賀世駿領帑重修  
年久倒塌咸豐間廣文許遂元蔡承祐高之槐周維翰先後倡捐  
重建邑人士感修祠之功立四公主祀焉

（邑人陳澍雲記）自來正學之傳不可磨滅觀

五賢祠之興廢益恍然也祠顛末詳志乘自安成賀公重修後百  
餘年無起而議者咸豐辛亥二月圯都人士僉詞請帑寢不行識  
者憾之時司諭甌甯許公遂元毅然倡百金司訓龍溪蔡公承祐  
甫捐樂器彈餘力贊襄衆亦鼓勵拓而新之厥功偉焉夫以鞠草  
之場復爲講陳俎豆人知禮矣秋丁文廟樂成園橋觀聽人知  
樂矣禮樂興吾黨文明之大機會乎未幾二公卸篆工猶未竣也  
乃一壞於壬子颶風再壞於癸丑霖雨補救頻仍董其事者力絀  
費絀矣適晉江周公維翰詣祠展謁不憚圖終正齋海澄高公之  
槐嘉其意亦樂相與有成今祠巍然煥然半畝塘開天光雲影人  
門瞻仰竦然如見正學心傳一堂講授伊誰之賜僉曰非許蔡莫

長樂縣志

卷十八

祠祀

二十

秩祀

倡其始非高周莫善其成奉生主配賢侯宜矣雖然四公之心豈  
爲是歟蓋望我都人士登紫陽堂讀紫陽書紹紫陽學附四先生  
末席爲邑產光也吾黨勉乎哉不佞承諸君請不敢以不文辭  
用以告後之觀感興起者光緒戊寅知縣徐承禧捐俸重修  
每歲春秋仲丁致祭各官綵服將事兩跪六叩行三獻禮儀同各

廟祀

祭品帛一 劔一 羊一 豕一 酒尊一 白瓷爵三 簋二  
籩二 籩豆各四

朱子祠 在縣西河南奎橋東康熙間知縣衛良佐撤齊天王廟改  
祀朱子並作義學乾隆二十六年知縣賀世駿移建於河陽監生  
陳五浩助五十金並聖德境里民助三十金請留舊祠爲本里書  
院仍祀朱子 乾隆三十三年咸 一在五都東林雙澗堂內 同治  
豐四年先後重修 丙寅

雙澗堂被火丁卯 一在六都雲谷寺旁 一在八都蓮石寺旁  
重建始並祀朱子

乾隆八年 一在天龍井之麓名紫陽閣文公三至其地年友張一

漁為築精舍講學其中後人立祠於朝元觀之旁康熙三十八年

移建今所明知縣彭哲與捐田二 一在九都桃坑山文公嘗遊

於此故祀之 一在十一都嶼頭乾隆間里人 一在十二都田

壩 一在九龍菴後乾隆五十年里人陳魁襟石元極等建又

一在十四都洞湖五松下康熙二十八年林姓建 一在二十四

都碁山之麓康熙五十二年董姓建 一在九都並祀陳烈

城隍廟 舊在縣後東北五十步東華觀之側宋元祐丁卯年創明

洪武十四年知縣邱宗亮改創於東隅城外半里許正統間知縣

長樂縣志

卷十八

祠祀

二十一

秩祀

龍韜修葺宏治間知縣王渙重修

（教諭潘援記）治民事神皆有職守者之當務特守令以治民而

顯光揚聲者世有其人於事神之禮味者則不知為能知者又以非所當急而不暇為有知為當急者或憚於工役靳於財費而不敢為是以祀典祠廟坐此而圯壞者難以屈指也脫能興廢於積弊大壞之餘舉事於人所難為之際非有超特之見卓越之才莫與於此長樂城隍廟舊在縣治後東華觀側創自宋元祐間至我朝洪武辛酉縣令邱宗亮遷置今所正統中縣令龍韜復因舊制而修葺之歷今數十年職長民者率視如傳舍而弗之肯顧類圯相仍幾至不屋宏治戊午王侯以進士為邑令長補弊扶傾衆廢畢舉爰謁斯廟目擊而心惻曰吾職斯土神將於我乎使不圖改觀將鞠遺址為草莽矣厥責安逃遂自規畫計於鳩工首葺中堂高敞雅潔視昔有加深其宮為神攸棲前曠其庭啓民皈仰旁翼以廊便有事者進退外崇其門行道者觀瞻購堅易朽起撓為隆輪奐飛藻繪明煥始工於歲十月落成於今之卓越而能為人所難矣邑父老羣拜請曰昔無今有維我侯之績不有紀述曷勸方來願盡顛末以羣拜請石竊維城隍立廟在古禦大有創於祀之蓋周禮安民救民禦災捍患凡水旱疾癘在所必

禱廟祀之制亦以義起之者歟况國典褒封優崇祀禮又當加之  
意而不可緩焉者也侯爲此舉揆於義而稱稽於制而宜雖事神  
也實爲民也古良牧之用心殆不是過使先侯爲令者心侯之心  
則必不致敝繼侯爲令者能事侯之事又何以廟有廢之爲患哉  
不特此也他如修學校建譙樓修橋梁開官堰立鄉賢祠樹登瀛  
坊修山川社稷壇造預備倉制漏澤園凡有關於民神有補於世  
教者無一而不究心是廟之興特其興廢之一事而已侯名渙字  
時霖浙之象山人視篆三年政通化洽臺章旌薦登擢有期故並  
書廟石以慰士民他日去思  
之情且以告將來之識者

正德七年知縣楊樑以城外所建爲

五賢祠仍祀城隍於舊廟嘉靖四十年知縣戴時望重修三座中

座七楹三間旁有廡前後座各三楹三間隆慶六年知縣蔣以忠

砌廟道南抵下櫓橋又於西北造橋一座通北街（有記）今天下郡邑悉建城隍廟  
制也夫城爲城隍爲池以各有神故列祀典儼然肖形像佩冕服  
守土之吏每朔望羣寮屬詣拜以爲常長樂城隍廟舊在郭外六  
平山下嘉靖改元四泉楊司空先生尹茲邑移置今所即宋元祐  
間故址云茲去楊公五十載矣廟貌如新而廟前衢道長可百丈

長樂縣志

卷十八

祠祀

二十二

秩祀

外臨清溪久弗治率傾圯罔置足余始至即病之思檄民興事已  
復念曰民未知信未可勞也居四年而政漸通人情漸和邑諸廢  
次第舉乃召其左右民告曰汝輩敬神乎盍修道乎願則官籍汝  
名不入汝金汝各自營以告成於我者弗強也乃居民咸稽首汝  
受命如余旨負土斃石踴躍趨事廟右臂有澗兩崖壁立路弗接  
復命琢石跨爲梁踰梁以西復築衢道逶迤至北門外凡三百丈  
皆坦途蕩如翼如可馳可輿夫然後樂民鮮厚藏而神之威益森  
嚴而不可忽不翼如可馳可輿夫然後樂民鮮厚藏而神之威益森  
不妄捐費獨於城隍最謹每歲元日後封羊椎豕沈玉瘞帛伐鼓  
撞鐘拔巫紛於崇事報享之儀靡所不備又危困必籲疾札必禱  
相率走廟下或自爲與爲其父母兄弟妻子者日無慮什百惟恐  
以不得致虔於神爲歉今茲之役余固以順人情而驅之不可使  
知而使之由焉者也雖然語有之極治之國神不爲靈何者政能  
得民則興之便布利除害祛患民不祈而獲所欲不禳而違所惡  
號請禱之誠無所而況是道又余之所冀於神余愧無以得民者  
民使不趨於神而況是道又余之所冀於神余愧無以得民者不能  
記歲月以萬歷乙卯年邑紳陳省倡修清康熙乙亥年署知縣胡  
告嗣來者

旭榮重修壬申年知縣衛建勳重修嗣知縣傅宸楹重修乾隆十

三年知縣張學舉重修二十年知縣黃瑞鶴折後座重建五楹三  
間未竟二十五年知縣賀世駿捐俸修竣道光庚子年合邑鳩貲  
重修新建文武門鍾鼓樓陰陽司又於廟左建三座前進行臺今  
善歸局中進資聖寺觀音堂今爲育嬰局公所三進僧舍行臺之西又小  
三進頭進闔邑尊王殿二進熊公祠三進官廳今爲寅社施藥及收買字紙公所  
行臺之東爲毓麟宮土地祠於同治八年勒碑經其始者邑紳鄭  
朝華陳有澹等繼其成者陳良驥鄭向奎林絢雲也光緒間知縣徐承禧重修  
謹按易之上六曰城復於隍禮記天子大蜡八水庸居七水隍也  
庸城也此城隍之所由名也其見於史者南齊書慕容儼傳有守  
郢禱城隍獲祐事見於集者唐張說張九齡杜牧皆有祭城隍文

見於說部者李陽冰爲縉雲令以不雨告於城隍神曰五日不雨  
將焚其廟竟得雨爲新其廟以酬之逮後唐清泰中封以王爵宋  
建隆後其祀遂遍天下明初去廟爲壇加封府曰公州曰侯縣曰  
伯旋去公侯伯封號定其主爲某府州縣城隍之神其後又改用  
廟祀設座判事如長吏狀迄今因之朔望行香及祈禱皆詣廟行  
禮每歲春秋仲月諏日與風雲雷雨山川同壇致祭不在廟內  
天后宮 在西關外花眉臺原在西隅南山之陽乾隆二十六年知  
縣賀世駿以水神面山非宜將宮改作書院互見吳航書院移祀天后神  
於今所建宮二座前座三柱三間後座七柱三間額曰天后宮旁  
爲僧舍咸豐間商民鳩貲重修新蓋拜臺官廳迄今同治甲子始落

成董其事者邑紳陳聲琚鄭向奎也謹按后姓林世居莆田之湄州嶼都巡簡惟慤郡志作愿之六女母王氏生后於宋建隆元年少靈異知人禍福長能布席渡海乘雲遊島雍熙四年九月九日身化是後常衣朱衣飛翮海上宋宣和中路允迪使高麗中流震風神降於檣獲濟使還奏聞特賜順濟廟號紹興二十六年封靈惠夫人自後救疫禦賊屢有奇烈紹熙三年晉封靈惠妃元至元十八年晉封護國明著天妃歷加徽號明洪武中晉封昭孝純正孚濟感應聖妃永樂七年晉封護國庇民妙靈昭應宏仁普濟天妃清康熙十九年平定臺灣神湧潮濟師勅封護國庇民妙靈昭應宏仁普濟天妃二十三年晉封天后五十九年特予春秋祀典雍正

十二年奉文各府州縣一體建廟奉祀乾隆二年加封福佑羣生三年奉文通行春秋二祭三十二年加封誠感咸孚五十三年加封顯神贊順嘉慶五年加封垂慈篤祐六年追封 神父爲積慶公母爲積慶夫人每遣官出使琉球等國率祭告而行疊加封號每歲春秋仲月諏日致祭各官綵服將事二跪六叩行三獻禮儀同各廟祀

祭品帛一 白瓷爵三 羊一 豕一 酒尊一 鉶一 簋簋各二 籩豆各四

祭文

唯 神菩薩現身至聖至誠主宰四瀆統御百靈海不揚波浪靜

風平舟航穩載悉仗仁慈奉旨崇祀永享嘗蒸茲屬仲春秋敬薦豆馨希神垂庇海晏河清尚饗

附載各鄉 天后宮 一在陳坑渡頭 一在港尾 一在仙岐  
澳 一在東山 一在文石 一在松下 一在后山 一在梅花 一在漳港 一在壺井 一在澤里 一在梅花城內 一在東平村 一在金峰祖社舖

土地祠 在儀門東中祀土神朔望正官謁廟及城隍回祠行三拜禮乾隆二十七年重建

倉王廟 舊卽元明廟在縣治儀門前之東元元統元年主簿劉伯貞創清改今名

長樂縣志

卷十八

祠祀

二十五

秩祀

汾陽王廟 在縣治東北水關外唐咸通中銀青光祿大夫上柱國光州王想從兄審知節度閩部攝令長樂奉所祀郭令公而來家於芝山之陽卽山北爲廟梁開平四年刻本廟碑銘於廡上廟號福惠元至正辛卯重修明洪武甲戌知縣楊以忠重修隆慶六年知縣蔣以忠新砌廟道崇禎十三年圯知縣夏允彝捐俸修建署

縣丞事翟國麒爲新神像

（明邑人劉沂春記）芝峰之麓林泉鬱秀有廟翼然祀郭汾陽王令公也歷宋於

今幾經葺治邇且就圯崇禎十一年夏夏侯泣茲土新斲之試蕞爾也游刃有餘值虜寇交訌之秋軍興告急侯不擾民而鑿用克他如造士興文剖冤剔蠹振窮乏恤疲癯靖海氛詰逋藪城要害廣儲備彰善瘴惡表樹風聲凡可爲吾邑計者力靡不罄未期月政通而人以和尤念成民而致力於神也新文廟飭賢祠諸廢興矣拜汾陽王祠下穆然有鼎新之思焉諸父老爲言士民於王有求必禱禱必應其最異者嘉靖間倭薄孤城從高瞰下靴尖可踢圍中數萬生齒誰不岌岌者王顯其靈旌耀於壁壘金鼓以齊

步伐夜則燈火明滅行枚雜選隱之既庶既繁以有備也驚而宵遁  
此城守人所共見傳至今不雜選隱之既庶既繁以有備也驚而宵遁  
而曰融城非不高也屠戮之慘談之寒心其能忘王乎侯聞之洗  
吐蕃回紇之腥不污中原功蓋天下焉德莫隆焉余泣茲以爲民  
也樂非令君所泣乃以廟食之故而大生全之眞足愧世之受若  
直而怠若事漫不爲民加意者可令其廟弗治乎取之官而帑無  
其餘積歛之民而私鮮蓋董之是慨捐俸費鳩工庀材完其舊圯增  
有未備命耆民周如汀等董之不二月而復告成廟貌輝煌視昔  
吳楚淫祠而夏禹太臧季孫蒙斷祀不廢謂平成永賴忠孝可  
傳也侯具千古眼宏濟胸所興建非一也侯觀異日經邦燮理不必  
同令公之勳業而殫心爲民未始不一也侯契令公之靈其致力  
於神者周令公亦格侯之誠其成全吾民者又甯有艾乎吾儕何  
幸而際侯是舉也侯將膺不次之擢矣繼侯而泣者其有感于斯  
乎爰因諸耆之請援筆記之侯諱允清乾隆五十九年大雨溪漲  
彝別號緩公直隸華亭人丁丑進士

廟宇損壞里人重修後座併前楹道光二年重建大殿增祀王第

長樂縣志

卷十八

祠祀

二十六

秩祀

三子駙馬贈太傅暖咸豐十一年增祀王第三子長孫御史中丞

名鑄諡文愍

按神於咸豐辛酉年五月間託夢於里人自稱余皇祖唐太師汾陽忠武王皇考太傅公尚昇平公主生

余兄弟四人余居長名鑄妹爲憲宗皇后元和二年余擢進士第  
遷太常寺少卿除御史中丞十三年邊寇竄進中原聖天子命父  
征剿余遂代之於七月十一日遇害軍陣中鄉耆老藁葬於沙  
邱生不能立功於朝廷又不能承歡於膝下孟子曰浩然之氣塞  
乎天地之間我不孝而且不忠惟一點浩氣留至於今云邑  
人林通照檢查唐史及尙友錄實有其人感其靈異立像增祀

熊公祠 祀典史熊廷用在城隍廟左畔明萬厯間按察使司李思

誠發銀檄知縣萬編重修並置祭田

（李思誠記）余問人曰使宰相而治錢穀執法而稽簿書乎

則必應之曰此主藏令吏而已矣又問人曰使兔竄而爲干城百  
里而爲大賢乎則必應之曰此天下器而已矣然則官無卑而不  
鉅也事無瑣而不宏也材無鮮而不廣也斥鷃羅鷲而能爲蟹谷  
之鳴則謂之祥鸞瑞鷲可也小艇星舳而能爲長風之駕則謂之  
龍航鳳舫可也熊贈公諱廷用江右豐城人初任湖廣安後補  
長樂問其官則幕史也問其學則服佩先正而得統於吾道者也

問其政則釐奸興利禦寇安民而種高弟得善跡者也羅念菴據  
舉世無所不疑獄而人恒恐以善政為恥朱考亭提舉浙東而  
知南康決一疑獄而人恒恐以善政為恥朱考亭提舉浙東而  
立社制倉訪民隱修荒政事皆法而先生處稍屈獨振衣千  
友異常固鄉志可紀其官茲長樂也雖所法處稍屈獨振衣千  
冰壺秋月不纖塵不染其舉動輒同履其地用法世族大訟多  
金錢株連不驕不傲無異單騎下海又時出以金俸餘贖貧  
而遺孤不吝也屬島夷內訌起閩海壁計其視環城外老稚  
之守令帥號泣而不得進者曰甯以堅壁計其視環城外老稚  
婦女仰城上帥號泣而不得進者曰甯以堅壁計其視環城外老稚  
也公獨忿然曰奈何棄吾數萬生靈為刀環上用哉遂不開門延  
納之而徐治墨守復出吾數萬生靈為刀環上用哉遂不開門延  
樂樂藉以安瀾二湖濶海馮夷煽怒則黃鵠之謠公築塘捍樂小  
資漑而濱濶二湖濶海馮夷煽怒則黃鵠之謠公築塘捍樂小  
也山有撫按監司下有刺史守令皆高牙大纛懸旌列仗為一  
方腹填溝渠不首領以終於民之孤貧而得帖席者指先  
生曰此非史君也乃吾之明執憲也民之孤貧而得帖席者指先

長樂縣志

卷十八

祠祀

二十七

秩祀

生曰此非史君也乃吾之明執憲也民之孤貧而得帖席者指先  
抱舖者指先生曰此非史君也乃吾之明執憲也民之孤貧而得帖席者指先  
有材無鮮而司帥之功焉所謂官無卑而不鉅也夫以一史君而  
也材無鮮而司帥之功焉所謂官無卑而不鉅也夫以一史君而  
自分藩來宜有更新即今思城公牒請余曰此吾樂熊史君之祀百  
世俎豆法宜更新即今思城公牒請余曰此吾樂熊史君之祀百  
喜曰是吾祖公也吾佩其子德深已昔朱仲卿死以桐鄉愛之  
謂後世子孫奉祀我敢若桐鄉然則為仲卿子謀者孰若新桐鄉  
祀哉余表揚風厲不敢有愛為新別置祀田三畝付之守者使樂  
羣力卜日鳩工棟宇煥然一新別置祀田三畝付之守者使樂  
之士君子永瞻其道而老稚婦子日賽  
鼓鳴笙於廟貌之下以誦功德不替焉  
史官董其昌扁曰兩祀  
千秋學祭典詳條

夏公祠 在水仙王廟旁祀明知縣夏允彝後圯基存

地租見學租條

馬還初生祠 在縣治上巷西明季闔邑公建前後二座各三間清

乾隆二十六年馬家重修 一在縣治學宮東南曰懷德祠 一

在縣治南關外稍西曰通政祠二祠僅有基地租見

西越雙清祠 在五賢祠旁明崇禎間知縣夏允彝將鄭公尙友所

置講堂舊基建祠祀嘉善李公奇珍及鄭公兩公皆西越人後先

三十年為士民所共稱其清相類故合祠以奉之

（夏允彝記）雙清之祠以祀武塘

李公四可武林鄭公月菴余蓋於兩公之治邑知直道在民不容掩也余以崇禎十一年來涖茲土去鄭公僅一年去李公且三十年矣然士民語賢令必舉兩公他令不得望焉余每庭決事士民相訾詆輒曰若人也非良鄭公嘗創之矣其事有舊牘者必曰斯事也鄭公嘗剖之是歸曲於某若以鄭公言必無誤者余有所興革士民即又輒曰斯利也李公嘗興之於今漸湮斯害也李公嘗革之於今復起若以李公所措施無不當者間及他令事則曰某公事豈能遁公腹中耶嗟乎李公雖貴為京卿今沒矣鄭公平擢司空屬亦旋沒民何所私於二公哉三十年來吏斯土者如何無所稱述也余友黃五湖令建陽語余曰建民之道前令亦如斯言及前賢令沈斧邱事必曰是沈公所嘗異日又入後賢腹中耳五湖云吾輩慎行事毋令異日又入後賢腹中耳

長樂縣志

卷十八

祠祀

二十八

秩祀

五湖之言其吏治卓絕有以也夫予既鑒於是益用廩廩因詢諸輿誦熟知兩公之政李公精穎絕人即此長邑某人不得願革而無二胡為乎至此在邑剖訟獄如神凡民所願興而不得願革而無從者公悉為施行之所欲與民信之嚴而公實有焉鄭公學道人也惴惴無華以誠與人久而民致之若潔以持身慈以治事也皇皇無須臾之暇此兩公之異為輕徇則兩公所同也余聞兩公在邑時不逞之徒有怨誹之者幾搖其位既去其民益思之身沒而論定彼誹謗者安在哉即不自知悔衆共非之莫敢揚其言也余是以知為吏者在勉為善而已其不善也威不能劫民如所謂在公等腹中者微詞斯及之矣其善也即執三尺法以身任怨余之私終不勝誦之公久而益著吏亦何憚而不為善哉李公與余同邑人鄭公與余同年友也然樂以兩公告後人非阿所私祠在五賢祠之旁鄭公嘗命林尙孝於此嗣圯遺址與五賢祠相混置講學堂鄭公去陳懋漳為竟其工

歲徵地租於學

三賢祠 在三都鳳山下宋淳熙間敕建祀先賢陳宋霖陳枏陳合

清康熙丁巳重建嗣圮乾隆二十七年知縣賀世駿領帑重修人邑

謝瑾記邑之三賢祠有二一在晦翁巖祀晦翁與二劉先生一在  
三都岱邊祀陳元滂陳自修陳維道三先生蓋晦翁之學直接孔  
孟閩中學者多宗之而吳航之奉為師傳者尤多元滂名宋霖宋  
紹興進士令同安朱文公為簿日相與切磋隱居不仕受業朱文  
秘書監書問往來不絕自修無忝祖訓維道則又自修之姪名合  
公之門早歲聞道力行不倦無忝祖訓維道則又自修之姪名合  
官樞密傳朱子之學於先生又以前先生學理窟文為時宗是晦翁  
孔孟之學為學而三先生又以前先生學理窟文為時宗是晦翁  
彰彰可考自宋淳熙間得命配祀郡國而外又特建祠於三先生  
之鄉凡欲使世世子孫得溯道源而志家學所由來也歷世既  
久棟宇漸頽康熙丁巳裔孫陳善翼朝端等嘗倡族祭租一百七  
嶺房裔孫陳魯生婦李丙子亦尚崇先正而綿祀典也永樸見  
是而後子孫散處屢議修而屢止前邑侯袁公儒忠戴公永樸見  
其日就朽蠹每欲於新之皆未果乾隆十二年颶風大作鳥鼠威  
之所巢穴者俟盡於跋扈將軍鞠為茂草已閱一十餘載矣丙子  
夏邑侯賀公泣任謁祠地而心焉傷之乃訪其苗裔相與籌畫請  
建莫不以再造為難而公獨慨然具文申請列憲聽其議而下之

長樂縣志

卷十八

祠祀

二十九

秩祀

歲辛巳奉詔發帑重修爰鳩工庀材蠲吉於是冬之十有一月復  
諭裔孫陳必起等赴散處子孫各量力捐助以益其不足歷壬午  
黜聖垣墉舊規乃渙然一新焉竊聞之有功德於民則祀之又聞  
諸穀梁子曰宮室不備不敢以祭若三賢之上承先緒下昭來學  
一門之內相與繼繩其功信可與晦翁並傳然非賢有司貞  
教宏化留心於經制祠祀則前哲且幾委于荒烟蔓草後之人又  
孰從而識之而祀之以是知賀公之名世駿別號相臯己酉科舉  
三賢亦益藉以不朽矣賀公豫章人名世駿別號相臯己酉科舉  
人裔孫陳必起陳文麒陳元  
輔均與有勞績例得並書

楊公祠 在四都祀楊州都統使夢斗公及其兄琦弟叔濟姪次鄭

公死難於楊子江飛魂還故里傳夢於父老衆咸歎異為建祠於  
故里廬墓之側扁其額曰敕封都統大使宋進士文章節義祠凡  
有祈禱輒應清乾隆二十二年里人重修事詳本傳道光二十五  
修 一在十都岐頭順治年間建乾隆間重建咸 一在大宏里厚

福 一在梅花澳

黃勉齋祠 在十一都青山下本勉齋先生舊宅康熙三十年即其地建為祠乾隆二十七年知縣賀世駿領帑重修道光二十四年族人鳩貲重修裔孫見三榮庚董其事

三忠祠 在十九都江田陳氏南陽祠之東祀宋忠義陳公榮偕子宗傳姪老成及一時殉難者百七十三人清乾隆二十三年知縣賀世駿詳請奉旨重修二十七年復詳請每歲撥祀典銀三兩在牙稅項下開銷咸豐九年族人捐貲重修

林忠烈伸蒙祠 在德成巖明萬歷乙卯伸蒙裔孫有楚倡修精舍闢建西廳特祀伸蒙馬思理聯云公為卜築有斯巖想當年續孟罵巢的是英靈不死我亦尋芳來此地任今

長樂縣志

卷十八

祠祀

三十

秩祀

日攀籐枕石也 因夢寐先生 清乾隆五年知縣廖興鎮領帑重修二十七年知縣賀世駿領帑重修

三賢祠 在方安里即龍峰巖明提學潘璜命知縣曾銑建祠祀晦

翁及劉砥劉礪故名三賢祠

(潘璜記)龍峯乃樂邑北西巖地傑境勝去邑治三十餘里許附首石之陰

宋徽國朱文公因避言寓茲二劉兄弟存菴在軒從遊構書院講堂為讀書處歷世既遠基跡寢壞予奉督學政敕來閩會二劉後維新呈請修葺予按其實行縣裁處而重新之時知縣事楊州曾氏銑奉完是舉茲因維新申請記之予惟龍峰三寶巖之別名西南翼以太常西北夾以籌峰後枕鹿屏前面碁山雙湖擁列殆天地造設為三賢養浩之區將以起道南萬世之會者也三賢功垂不磨固宜紹修先哲所寓以闡厥跡使後圯知縣萬編因教諭袁書院講堂永為龍峯之光也敢記之

文紹之請捐俸再建

(明福清葉文忠向高記)晦翁巖故名龍峯宋劉先生伯仲曰砥曰礪者讀書其中考亭先生避偽學至此二先生師事焉巖甚奇峭幽絕透迤而上可數百武有石對峙如削為石門考亭先生手書讀書處鐫焉石門之上

有祠祀考亭以二先生配祀有司歲時展禮其巔有海天山亭學  
使潘公所建久之祠亭俱有司歲時展禮其巔有海天山亭學  
勝懷舉廢之念白於邑宰萬侯益侯慨然鳩工庀材一新其源  
於地勝益增而三先生之俎豆益虔且過化聲施海上即吾劉  
先人亦藉以昭示其不為萬春風改直衝於輿人而力也  
願先生除百凡釐飭其大者如宮復地政播賢令尹而尤  
銳意興除百凡釐飭其大者如宮復地政播賢令尹而尤  
射之水加庠校煥然一新士子久厄者遂聯翩得捷之橋而  
士興文加庠校煥然一新士子久厄者遂聯翩得捷之橋而  
誼率先士類與侯同心協力茲巖之廢而興亦公為之也今  
學繁興異論肆起有能彈射紫陽詆訾前哲則世共為之高  
令國日以頹壞余甚憂焉而力不能挽侯與袁君茲舉大行士  
人陽生色且使士子聞之亦知瀛瀛地師弟講習之區猶有賢  
紫陽生色且使士子聞之亦知瀛瀛地師弟講習之區猶有賢  
人君為之表章即其足跡所經洛一脈雖當剝蝕之餘猶有賢  
百年後人之請不辭而紀其事侯名編於世道良為不小是以  
氏諸生之請不辭而紀其事侯名編於世道良為不小是以  
陽人役肇於甲寅季冬落成次年五月初一日也（詩）寂歷巖扉畫  
肩昔賢曾此授遺經年深但見松杉古人去長聞俎豆馨蒼薛別

長樂縣志

卷十八

祠祀

三十一

秩祀

殘餘片石白雲踏盡出孤亭一從鳧鳥飛來後夜夜空山有客星  
（其二）松逕蕭蕭路幾盤芳祠瞻拜肅衣冠天涯何代無逋客  
千秋有講壇古戍梅花殘月曉芳村荔樹早霜寒懷賢莫起前朝  
恨留得名山此日看（知縣盧龍雲詩）聞道龍峯勝公餘得共攀  
門高並對嶺樹翠相環海色蒼茫外湖光渺靄間此中有佳處  
是古賢關（知縣鄭尚友文）古今治統道統有主持即有輔翼是  
名王應運名世挺生聖學昌隆高賢蔚起不爽也有宋中葉著  
作日繁各以其說混真毫釐千里之差朱文公衷其是而集中  
當日二劉先生承家學之淵源篤志敏道同登乾道進士會文  
避學遊閩二劉先生承家學之淵源篤志敏道同登乾道進士會  
事門牆著有王朝禮編七卷凡公文垂世禮制多所裁定臨終  
倦倦以未竟之業囑勉齋先生轉以相屬夫禮體中而用敦厚  
以崇之則性之德也克己以復之則仁之實也而顯設於日用  
於節則自意念以及手足耳目雜然營之靡然罔所植也當記  
與朱陸終不勝朱之禮教密其體用之際有殊焉耳惟二先生  
體諸身者真確而詳盡斯發諸言者切實而明備故文公始終  
以爲重禮教而詳盡斯發諸言者切實而明備故文公始終倚  
皆得配享太廟國朝如康齋先生之遺澤上躋十哲甯僅龍峯之

祀遂足以隆崇報乎哉邑東有五賢祠今二先生薦馨地余葺其宇而授業焉亦旣彬彬矣復飭巖祠於龐雜之後六年內三登先生之堂嘗扁曰爲道得人瀕行弗忍去爲闡斯文在茲之實屬乃孫泗哲佐哲而弁諸巖上 乾隆八年知縣袁儒忠領帑重修又建接官亭一座文昌閣一座講易堂一座二十三年知縣賀世駿詳請給帑重修 互見龍峯巖祭典附載學租

### 里祀

真武廟 在河陽柿浦橋道光二十五年紳商捐貲重修填砌廟埕特立華表前後三進前蓋戲臺中祀真武旁祀天后後祀觀音餘地新葺僧舍規模宏敞固河陽之巨觀也紳士陳義謀陳方文經其始陳康勉陳聲琚鄭用雅等董其成 一在西關外 乾隆四十年重修 光八年 一在八都卽當陽寺 一在九都 一在二十都壠下

### 長樂縣志

#### 卷十八

祠祀

三十二

里祀

一在二十一都壠頭 一在化鯉橋 一在沙塘坂並祀天師  
一在方安里雲龍橋 一在二劉村 一在潭頭村 一在澤里嶺 一在文庄 一在岱西 一在鼇峰巖 一在大宏里沙堤 一在厚福 一在二十四都下店 一在梅花新城中  
泰山廟 在西隅天王寺西畔祀東嶽大帝俗傳爲祀唐東平王張公巡之神謬也 乾隆二十年建 一在溪下 一在二都閘兜 一在龍門翁山下 宋嘉熙四年建卽元應宮 一在村中 一在九都湖山 一在下井村 一在十都斗門旁 康熙間建 一在十四都渡橋名寶林庵 一在雲路 一在雲路西山旁 道光八年江姓建 一在十八都壺井 一在二十三都金墩 一在方安里二劉村 一在澤里

五顯廟 在下櫓橋上明太祖都金陵卽都中建十四廟一曰五顯  
靈官廟以歲孟夏季秋致祭今天下之崇祀五顯者實由於此俗  
說神以救母罪愆與目連尊者同一大孝登正果號華光藏主妙  
吉祥如來然則天帝不離人倫赫濯亦極仁慈耳義固可祀也乾隆  
甲子年咸豐庚申年先後重修 一在儒英巷宋時建著有靈跡嗣祀咸豐九年  
葉寶雲題其額 一在府埕頂 一在坊口崎嘉慶十年重修  
曰儒英古跡 一在東關外 一在二都上洋頂額曰靈應堂附祀真武 一在  
十都福湖 一在石馬 一在十二都乾西祠乾隆間石姓建  
一在新甯橋邊乾隆間石姓建 一在九龍庵南道光間陳姓建 一在十三都  
鶴嶺 一在雲路村 一在十六都華藏寺 一在十九都靈峰

長樂縣志

卷十八

祠祀

三十三

里祀

山明謝杰出使琉球奉其香火前往數著靈異 一在二十三都皇恩寺旁 一在方

安里潭頭村 一在梅花

教養廟 在東關外嶺口中祀蒼頡后稷建自元時嗣圯遺址存清

道光間里人張永揚倡修陳承輝等董其成

三聖廟 在吳航書院之左乾隆二十一年建祀漢關帝唐狄梁公

宋包龍圖

國公廟 舊名大尉廟在射圃崎上祀明虢國公俞通海邑人阮琳

自外省奉其香火歸數著靈異鄉人立祠祀之乾隆二十七年增建後座四十八年

嘉慶十七年先後重修道光二十九年林絢雲張連 一在仙岐  
城張金鑑等倡修改建文武門複道亭規模一新

水仙王廟 在縣治東南水關內順治初建祀楚屈原唐王勃李白

乾隆二十五年附近居民修道  
光間知縣盧擇元捐廉重修  
一在梅花城內

種芝宮 在太平橋上乾隆十六年創道光七年咸豐間先後重修 中祀臨水夫人旁祀

痘疹二神東邊隙地新建社公祠

金斗廟 在西隅坑尾巷中祀伽藍道光間修

高隍廟 在西隅宋元豐間縣尉高氏奉其所祀之神曰高將軍來

邑遂立廟祀之明永樂三年鄉人重修嘉靖中燬鄉人重建

南山廟 在塔坪山宋代建祀社稷神乾隆二十四年修道光間重修

利孚廟 在西關外元元統間主簿劉伯貞建後廢

祠山廟 在縣治東南元至正間建明萬歷間移於十洋街之東南

通志載云神姓張名渤生西漢末游苕霅之間歿而為神顯於廣德州之橫山閩人祀之頗著靈蹟 一在十八都

長樂縣志

卷十八

祠祀

三十四

里祀

壺井百丈巖之左里人林瓊蕤記別記 一在十九都長林湖

毓麟宮 在城隍廟之左道光二十年重建中祀順懿元君謹按神

名靖姑下渡陳昌女母葛氏生於唐大歷二年嫁劉杞卒年二十

四古田縣臨水洞有巨蛇時吐氣為疫癘忽有朱衣神人執劍索

蛇斬之鄉人詰其姓名曰我江南下渡陳昌女也忽不見眾遂立

廟於洞上凡禱雨暘驅疫癘求嗣續莫不響應宋淳祐中封崇福

昭惠慈濟夫人賜額順懿世稱為臨水夫人是也神祠各都圖均

有之並祀高李夫人或建宮專祀或附於土穀神之廟今錄數處

以見其概 一在東隅箭道之左今圯 一在吳航書院旁明嘉

靖初創 一在縣西河南山福泉堂舊址 一在西關外上登瀛

境名斗

山宮 一在四都東渡名臨水宮 一在十都龍山今移福盆山

一在十一都青山下 一在坊兜聖泉古蹟 一在方安里二劉

通濟廟 舊在西關外宋端平間建後移為臨江館遷祀其神於郭

門樓上嗣復建為駐節亭通志載神唐末人林浦浦避地海濱凡

斥鹵之巔島嶼之涯皆鑿井以給行人人謂之林公井及卒甚著

顯應里人祀之有司上其狀賜封今號 一在十二都唐大中十一年里人

林崇禮創以祀通濟神故鄉人呼其祠曰崇禮宋太平興國元年重創今名崇禮境

白馬王廟 在縣治北關內乾隆五十三年同治三年里人先後重修通志載神為漢閩

越王郢第三子有勇力好騎白馬人稱為白馬三郎時閩縣桑溪

里東山之潭有大鱧為民害王挾弓矢射大鱧鱧纏以尾人馬俱

長樂縣志

卷十八

祠祀

三十五

里祀

斃土人立廟祀之禱雨輒應宋熙甯間封冲濟廣應王紹興間加封靈顯紹定間加封孚佑王則其崇奉固已久矣 一在二都阜

山 一在三都岱邊山腰 一在岱邊水碓上 一在珠湖龜山

口乾隆五十九年建 一在九都灣裡 一在十四都白眉村乾隆間里人王子貴

等建道光二十二年貴子舉良倡修 一在旒峰頂 一在旒峰西山乾隆間建嘉慶十八年同

治五年里人王資樾王尚貞王守花先後重修 一在方安里楓林村 一在澤里烟臺

山下 一在大宏里

英烈廟 在國公廟之右按神為唐天寶間樂部雷海清遭安祿山

亂抗節不屈死俗稱田元帥改武裝實屬相沿之誤邑人林瓊蕤

元帥廟楹對云意氣依然今學者風流原是古忠臣附錄備考

一在二十一都越王山嘉慶己卯重建

舍人廟 在縣治北神姓蔡名鴻仙遊縣人明秀士生忠直死鄉人祀之清順治二年邑人客其地者奉香火歸建

廟於龍峯問吉凶者隨機聽路人言解之輒驗邑人陳耕三額其門曰師耳以心

一在十三都鶴嶺

瑞溝祠 在一都後澳神為宋莆田縣法曹時有犯法者數百人當

刑法曹陰縱之獨抱文案溺溝而死縣令上其事於朝立祠祀之

明景泰乙亥知縣朱紱改建

濟州廟 在四都嵩山嶺唐長興初建祀水神舟人往來率祈禱於

此故名明宏治間改祀天后清順治十年移建坑田渡頭廟仍舊

名

翁前廟 在四都東渡

長樂縣志

卷十八

祠祀

三十六

里祀

後義姑祠 在六都

明邑人謝杰傳義姑者邑六都人陳希聞季女也希聞二子及子婦俱蚤世諸孫未離襁褓間

姑憫家步艱難矢志不醮以撫之日緝女紅為生備歷艱辛不悔卒成諸孤亢陳氏宗余謂史稱姑姪不如子母固矣然可論其常非所以論姑也世之存孤者以母育子君子禮法所禁特謂其義不可已而能不已也若姑未字之女非先王禮法所禁特謂其義謝乃依依然終身不忍去其孤至性天植殆義猶可已而不已者視貞母立孤倍難之矣義姑之先陳姓因贅而冒林實與鶴峯之陳同祖陳在鶴峯為著姓有兄死嫂嫁姑為立其孤者亦稱義姑云嘻寥寥千載信史不傳之事同出一邑又同萃一宗相望於星溪紫薇之間豈山川孕靈篤生明淑俾與烈丈夫偉男子並垂不朽者與因漫書之以俟乎司彤管者

植柱廟 在八都唐開元中有大木泝流而上漁者心異之取置石

室中望之若植柱故名有洪氏女浣紗其旁為蛟所吞其家訴於

神忽迅雷擊蛟得女屍於蛟腹中今破石潭即其遺跡洪氏遂舍宅為廟刻

所取木為像祀焉宋景祐中縣尉王僕以禱雨獲應倡捐重修潘奎

記別 嗣圮清乾隆七年重建並前座複道亭

九都壇 在九都龍柄港西

桂林祠 在十一都宋元豐二年建前有古桂故名

元明祠 在十二都有兩境祀土穀神一曰元明東境一曰元明西

境即古新甯縣治也

祈雨祠 在十二都黑龍潭側宋元豐元年建歲旱於此禱雨故名

今圮

練忠祠 在十三都祀明忠烈練子甯永樂間子甯後人避難於此建

前義姑祠 在十三都為陳碩翁女中建（明鄭世威記）夫孝節天性之良閨門風化之始也繫

長樂縣志

卷十八

祠祀

三十七

里祀

自古昔女有師氏理陰教以章明婦順少長貴賤馴習姆訓故二南列傳歸美貞淑彬彬乎盛矣降及叔季大道希曠內則教衰間見一訪故老於元得一義匪躬之節不無重有關於風化也余且浙東兄弟勞於行役初心焉曰金女汝安者及笄值父母老且病念以觀孝矣於我朝初得養人焉二親歿年已五十年而卒是淫人志又撫姪英繼復撫英子諫奕世賴之是者以觀義矣弟淫人志又撫姪英繼復撫英子諫奕世賴之是者以觀義矣寓內不多得也適陳君闔齋攜其祖家譜徵余言為修義姑祠記余得次其纂述因締論其世益知天性之良萬古不泯疾風勁草敢謂世無其人矣夫以姪顧以一女子周旋其間獨當家事日屢蹈危勢亦急矣姑顧以一女子周旋其間獨當家事直以養母與姪自任之死靡他趙為一人而孝與義蓋兩得之矣况徽節奇氣自少則然不為烈女中者復耳非有興於天微之後以一身任數百年宗祀之重由是剝者非有興於天微之外也夫孰無於是心作而趣之誠有自篤其故凡為人臣者可以風念矣相尋之遠殆有得於肇祀之先者惟雖教愛維肅教吾知其一念相尋之遠殆有得於肇祀之先者惟雖教愛維肅教

敬其誰不恪共朝夕而忠孝廉節之士行將濟然於對越先達詞  
之頃矣則於是祠也不尤有烈光哉姑諱與平濟履歷暨先達詞  
大略前記已詳茲故弗及云（郡人尚書林廷楫記）天地間五行而  
氣五行而已木德始東仁也義屬金成於西焉是故仁該五德而  
義所以成之義之德為剛為直為斷為嚴為毅為幹固人生得義氣  
多者則其性必貞其行必卓可以貫日月可以烈金石蓋有不火  
熱不冰焉蓋嘉其得義氣之多而綱常人紀賴以植立者也不改  
容深歎焉蓋嘉其得義氣之多而綱常人紀賴以植立者也不改  
年友浙江一道監察御史陳君文試長樂人也蚤歲與予同宦京師  
因締婚焉一日出御家譜示予曰試長樂人也蚤歲與予同宦京師  
念所育義姑諭生於元末父兄繼亡而遺孤尚襁褓寡母他志不  
育孤於成族有九年利吾產雖屢欲害孤而迫乎寡母下其  
志抵洪武二年九月五日孫曰壻增曰厥後孤育濬其  
育禮俞信炳者五始試今日流衍益蕃有以宦顯者遂絕德名仁  
義禮智信房炳者五始試今日流衍益蕃有以宦顯者遂絕德名仁  
世者有仗義恤宗族鄉黨初興繩彌殷皆姑不字之盛德獨遺焉是  
德獨抱而莫能上聞國朝初興繩彌殷皆姑不字之盛德獨遺焉是  
試將白其事於朝而莫知所聞也其姑之德試將白其事於朝而莫知所聞也其姑之德

長樂縣志

卷十八

祠祀

三十八

里祀

三復其家譜所載行實乃喟然歎曰予閱貞烈多矣未有若孝義  
姑一節焉耳今克綿父兄不絕如綫之脈非大孝天植性行純摯  
乎一女之身而克綿父兄不絕如綫之脈非大孝天植性行純摯  
以曷能如是乎吾因於其養母育姪也而嘉其能立也而嘉其能  
者曷能如是乎吾因於其養母育姪也而嘉其能立也而嘉其能  
焉於其備患也而嘉其能立也而嘉其能立也而嘉其能立也而嘉其能  
渝夷險一也而嘉其能立也而嘉其能立也而嘉其能立也而嘉其能  
中堯舜之可也而嘉其能立也而嘉其能立也而嘉其能立也而嘉其能  
夫以姑之功也而嘉其能立也而嘉其能立也而嘉其能立也而嘉其能  
當今聖明御極崇節是雖在百世後猶將表之況君為六世孫乎且  
人乎聞之御極崇節是雖在百世後猶將表之況君為六世孫乎且  
故予每高其義而深慨其不獲表於時乃為之載其事於官朝之  
志俾其後世子孫有深慨其不獲表於時乃為之載其事於官朝之  
賢大吏賢守令崇節重義者得有所考焉而為之載其事於官朝之  
靖丁酉臘吉房之子孫懷報之誠祠於祖第之闡以旌也抑或嘉  
圖費田以充歲時祭越年而祠於祖第之闡以旌也抑或嘉  
浙江甯海縣陳子良琛謁予而祠於祖第之闡以旌也抑或嘉  
於令先君舊矣茲祠之建亦贊謹頓首銘之揆曰情義俱協姑與論德  
孚予雖弗銜言其敢無詞以贊謹頓首銘之揆曰情義俱協姑與論德

也石之堅義姑之節也松柏之芳義姑之實也江河之流義姑之  
澤也嗚呼休哉遂記之（何洽歌）古者魯義姑棄子存兄孤雖稱  
大義此身猶有夫今聞陳義姑矢志撫兄孤劬勞四十載終身不  
適夫大義彼此同奇行古今無堂上有盲親殷勤飼其舖孝弟萃  
此身綱常賴以扶雖曰姪之姑一身當公母雖曰女之流尤勝烈  
丈夫綿綿陳望族千祀懷廟謨皎皎汗青在萬古仰女模何日拜  
芳祠一奠此清醑（邑人陳時範歌）程嬰與杵臼死易立孤難一死  
固不易立孤胡言難死事可訖救兒多苦艱彼猶丈夫節高誼  
在人寰而有處女流似茲焉得攀焚之誓廟時忠義摧肝哀我  
娘母寡悼此猶子單兒啼方呱呱置之焉所安激烈見顏色黯慘  
天地寒生女棄其子男兒骨月拚夏女泣曹氏彼初如綫其繁生男  
令女苦生女憂男患至今蒙奕葉世承纓冠念初如綫其繁生男  
姑心丹沒身竟闔義重論邱山人我弟幼成班寒啼衣與被饑嫂兄  
四淪喪一堂雙掩棺我祖四痛酸心願不醮永撫令霜雨淚完沒年  
饗與餐我姑恤諸祖哀惟痛禮葬百丈岡至今霜雨淚完沒年  
四強祖行各斷腸執喪比阿攸禮葬百丈岡至今霜雨淚完沒年  
沾衣裳前姑恩莫報後姑恩不量前姑比翁後姑願將雙節義付之  
今表示後姑慚未揚題詩頌前姑並託後姑芳願將雙節義付之  
太史章重修  
隆十年重修

雙節祠 在十二都為陳氏石林二節婦建

（明邑人鄭憲傳）天下婦  
德稔於內而無非於外

蓋惟中饋貞吉無事稱述而已惟不幸蚤失所天家步多艱而能  
金石其志松柏其操則足以表範於閭闔庶乎隱者彰微者顯  
於文以闡名不湮沒也余於玉溪陳氏雙節祠有慕焉婦父石福  
河東人茂德幽閒幼承姆訓習孝經烈女傳輒能記誦父母之  
擇所宜配得玉溪陳處士洪字子大歸焉既歸孝於舅姑相夫  
業陸族展姻賑貧卹鄉人盛稱曰陳氏有賢婦矣無何子大公  
以天年卽世氏猶未娠剖心泣血誓終奉陳祀而養其舅姑越三  
月舉子植乃抱哭曰吾當死為此藐諸孤在末幾舅亡襄事如  
禮植既長娶婦林氏嶼頭人生二子焯焯家藏有百花壺古畫邑  
侯張欲攘之植弗與乃攜其罪竟死非命氏對婦八千謀匍匐  
於神京族黨憫其齒之衰而行之遠也止之曰燕閩八千里而遙  
之子死矣間含冤於地何為哉氏曰孫乎而吾矧忍兒斃於善撫  
之手而使之間含冤於地何為哉氏曰孫乎而吾矧忍兒斃於善撫  
之無以吾念也婦泣數行下乃持二孫而矧忍兒斃於善撫  
者禽獸之行也念也婦泣數行下乃持二孫而矧忍兒斃於善撫  
目復其相向而歸與婦相酸鼻及寒梭一燈子織自繅組紉之侯外  
優目復其相向而歸與婦相酸鼻及寒梭一燈子織自繅組紉之侯外

屑也撫育二孫長就外傳使習孝弟之行蓋自其寡而及老四十  
年如一日也天祚節孝煒子德隆領景泰丙子鄉薦典教四庠爲  
天下師表門人稱之曰靜齋先生廉訪子謙謙居庠有聲謹之子  
談兗郡二千石鑾長興尹讚貴州廉訪諤謙謙居庠有聲謹之子  
豫章廣東提舉談之子豪侍御父子兄弟一門之內陳氏之興蓋  
若艾也所稱燕山五桂荀氏八龍莫或先之君子曰陳氏之興蓋  
未艾也余於廉訪君同舉孝廉十年而聚首京邸間出家譜指其  
太妣遺節命鄙言以傳之舉孝廉十年而聚首京邸間出家譜指其  
則柏舟共姜亦足以爲世風者今按雙節而觀之勤於恤孤慈也  
捨身愬冤勇也厚事舅姑孝也別於內外禮也觀之勤於恤孤慈也  
身而衆善集焉宜可以與古二母齊芳並耀而社祚流衍固其所  
矣異日觀民風者採而上之天子旌典行焉太史書焉以風天下  
孝節之心以肅萬古綱常之治未必不自茲啓之也吾固表之於  
世以示王公貴人不宜恣睢敗類以喪其所守又以示婦人女子  
苟有志節直足樹異千秋而廉頑立懦當並觀矣敬識而傳之郡  
人尚書林瀚詩節哉二烈婦耿耿冰玉姿夫也先朝露仇貪子死  
之婦姑相對泣大厦以木支孤燈照壁冷雙杼織夜悲膝下牽兒  
呱階前掛蛛絲衣破不復補午過猶未炊淚滴聲徹天遑恤寒與  
饑堅節人難說廉冤聖得知海水因風慘松柏歲寒奇四序有推  
遷寸心無改移鬼神諒陰佑門戶振光熹固知孫才俊亦繇母操

長樂縣志

卷十八

祠祀

四十

里祀

持他年奏天子丹誥侈封地生順死亦榮千古棺民彝（都察院洪  
英歌）泰山崔峨可攀越滄海汪洋可航筏惟有玉溪雙節婦鐵石  
心腸那可沒姑奔帝闕愬兒冤婦守深閨撫遺血霜寒燈影漏聲  
殘雙梭苦織紗窗月從茲不施脂粉容獨與孤梅鬪清骨一朝紫  
誥闡幽芳萬載千秋日月揭（邑人謝士元詩）姑婦堅持柏舟哀哭  
夫哭子命何窮疎雨啼燈雙杼和嚴霜叶闕九重通節磨冰雪春  
猶冷心剖金石血正紅乾坤正氣誰能並巍然萬古拜高風（陳惟  
裕詩）天地飛塵落日荒婦姑雪涕共淒涼鸞沈寶匣秋空素機織  
寒梭月色黃從教一死心何恨留得千年史有芳最喜聞孫光舊  
業雙貞指日顯褒揚（郡人刑科都給事姚銑詩）死別夫君血未乾  
愁將殘命撫兒棺乳姑漫道唐姜易匍闕休誇齊女難和膽熊丸  
秋月苦淒心蛩杼夜霜寒雙雙烈節垂今古傳與雲初濺淚看（侍  
御王恂詩）秋水冰壺絕點氛丹心奚啻徹寒空細思世道江河後  
休說無人障水東（吏部主事陳良卿詩）逝川東去何明迥白駒驟  
隙何奄哉乍見紅英變白雪幾看青草生高臺於戲二母響玉節  
精神天地當爲開把持門戶席厥祉春暉郁釀扶根芟翼聞孫  
表琦瑰報章有待來上台貞慈到此無遺憾敢將椽筆寫新裁（邑  
人黃循宗詩）歲月丹心苦風霜白髮森柏舟如可續伐石鐫幽貞

靈通廟 在十三都宋宣和間封陳通與弟靈王爵卽今東墩上境

法靈祠 中祀火神一在十四都 一在旒峰山側 一在東平村

忠懿王廟 在十四都旒峰乾隆間建

方伯祠 在十四都渡橋為明進士林恕官按察使司晉階布政使司建

昭利廟 在十五都元至正八年建通志載云神為唐觀察使陳巖長子延晦乾符中黃巢陷閩神憤唐室衰微慨然謂人曰吾生不鼎食以濟朝廷之急死當廟食以慰生人之望既沒祀於連江縣之演嶼宋宣和五年給事中路允迪使三韓涉海遇風濤賴神以濟歸上其狀封協靈惠顯侯賜廟額曰昭利舊志誤作招利 一在方安里籌港

長樂縣志

卷十八

祠祀

四十一

里祀

雙節祠 在十六都乾隆十五年奉旨旌表卓氏鄭氏妯娌雙節十

九年鄭男副榜陳永書捐貲鼎建知縣黃瑞鶴有記見藝文

雲路廟 在十六都原名西來寺乾隆間表賢村官路村大頭村及吳林二姓捐貲重建道光間各姓復集欸重修

仙翁廟 在十七都陳店村相傳陳氏先世有業漁者一日舉網得泥塊擲而復得者三異之破其中有紅

布書禁師仙翁四字因祝曰如有神當得魚滿載果如祝遂攜歸供奉忽一日飛懸於鸛石山樹上即因其地建廟祀焉按事雖不經而信者既多亦姑誌之

真人廟 在十七都仙山村同治間施姓建

鳳山廟 在十七都厚團村同治間建廟下有清泉雖大旱不涸

護國廟 在十七都鵬程村

林長者祠 在濱湖上南向乾隆十一年移建濱澗之間西向三間

祀唐進士倉曹參軍林鷗偕配趙氏及諸有功於湖利者

崇德祠 在長者祠左三間乾隆十一年建祀巡撫周學健知縣戴永樸

越王廟 在二十一都越王山之上康熙三十九年重修

將軍廟 在沙塘坂

英武廟 在厚福陳塘港

龍神廟 在二十一都太常山乾隆辛亥重建

嚴長者光廟 按光嘗捨田為湖溉田四百餘頃里人祀之 在王花墩原名嚴湖寺詳見水利雍正

五年建年久頹圯乾隆十二年里人捐貲重建 知縣侯海改其名曰嚴光祖廟督憲覺羅

滿保知縣張學尹衛良佐賀世駿各有祿主配享 一在沙堤

金吾祖廟 在大宏里里人林通佻者劉志作林植 有善行卒人莫知其

為神也宋初有寇至望見神人樹旗幟禦之遂退是日降靈於人

述生平及父母妻甚悉事聞勅賜廟額 一在十都魁龍山下

一在文庄洋頭

金舍人廟 在澤里

通津廟 在二十四都梅花城內

盤古廟 在梅花紫岐山

蔡夫人廟 在二十四都梅花澳相傳夫人為琉球國人嘗夢神人

書其掌中云東湧起風沙得道在梅花羅白與金舍相逢總一家

明萬曆間因織龍袍入貢册封精巧妙明懿德夫人召入京舟次

梅花遇風登岸寓宋直家適朝命免進京旋病卒宋直葬之於馬鞍山時顯英靈土人立廟祀之一在十四都旒峰山下

岳王廟 在梅花獅頭鼻神諱飛字鵬舉河南相州人宋中興名將封鄂王因不附和議遇讒而死追諡武穆

柏姬廟 在梅花龜頭山神爲元行省郎中柏帖穆爾女明兵下福州帖穆爾引妻妾登樓諭以大義合家殉難者七人女甫十歲亦與焉後人憐而祀之俗稱白雞小姊乃土音相沿之誤

土穀神祠 明制凡各鄉村皆立壇以祀土穀之神今鄉有社會改壇爲廟左祀土神右祀穀神其品秩大抵視其鄉之先達者古所謂沒祭於社殆其遺意歟

賀公祠 在七都感恩村乾隆間邑侯世駿修築南陂六鄉水利永賴居民德之立祠以報每歲六月間致祭 一在嶼頭龍興寺旁